

蘭州府志

卷首

道光十三年歲次癸巳鐫

蘭州府志

板存蘭州府

新修蘭州府志序

蘭州自漢置金城郡歷代
據為重鎮前明降縣屬臨
洮我

朝控馭邊陲以蘭為居中
一大省會乾隆初移臨洮

序

一

府來治蘭州帶河扼湟屹
然首峙全隴此蘭州設府
所自始也臨洮之易蘭州
也郡更而志未更何也山
川城郭一一如其舊也不
知皋蘭改於州靖遠撥於

鞏蘭州之所遞增者臨洮
之所未隸矧百年來河山
閼塞之夷險水泉原隰之
變遷風俗制度之轉移人
物戶口之損益安得謂臨
洮有志而蘭州可無志也

序

二

余承

天子命總制是疆褰西徼
不靖統師出塞戎馬倥偬
不遑偃息迨渠酋甫殄餘
氛擾邊復籌餉酒泉閱數
月而告捷比歲鈎覈軍需

迄無暇日然未嘗不以茲
郡之形勝俯仰勿置也試
登堞樓眺苑川望龕谷緬
首陽長樂之墟弔袍罕鸛
陰之野歷々然全郡在目
抗懷廢興百感交集斯誠
亘古收復之區鋒鏑之壘
矣今

序

三

天威遠播邊宇乂安而猶
沿舊志蕪陋弗蒐輯一新
以副我

皇上混一函夏柔服遠夷

至意抑亦守土者過也壬
辰秋蘭州陳守忽攜一帙
來丐序於余余覽之為蘭
州郡志且喜且訝喜意之
昭合而訝事之竟成且是
編討論排纂雖因實創尤

序

四

於各條寄託宏遠寓經世
心因令付諸梓以視前之
缺者詳冗者簡是豈仍以
志臨洮者志蘭州歟謂之
有蘭州志有臨洮志也可
即有蘭州志無臨洮志也

亦可

道光十二年閏九月下
漸太子太保兵部尚書
兼都察院右都御史總
督陝甘等處地方兼
管巡撫事一等男楊
遇春題

序

五



金城之置尚矣顧自漢以
來時歷數代其間幅隕之
廣民物之衆政事之紛文
章之富非經羅而編纂之
有漸就湮沒者矣況我
朝鑒古因時酌全隴而建

序

一

爲省垣移臨兆而定爲郡
首一切制度崇異於前苟
不能掄掌規模彰明文獻
其何自揚
聖化恢
皇綏此蘭州府志所爲不

可不任也然而任志之難
也州縣鄉里有廢興土宇
山川有離合古蹟今形每
多輾轉則志地理難衙署
城池有遷徙倉儲學校有
紛更郵驛橋梁更多瑣屑

序

二

則志建置難明神之壇廟
爲昭先哲之墳塋斯左禮
典不明則志祠祀難戶口
之盈虛無定錢糧之徵斂
寔繁名數不清則志田賦
難若夫公卿大夫之尊孝

友忠義之美薦舉科名之
盛營伍戰守之宜天人休
咎之徵山林遺軼之事歷
年久遠易致踵訛則志官
師人物選舉並備以茲雜
紀爲尤難假令鈔掇成篇

序

三

沿襲爲事重輕乖節詳略
失衷斯志之體荒余予自
曩歲東臬茲土嗣又奉
命屏藩中間適值軍興出
籌邊餉每從羽書夢千中
仰珠翠之歛寄瞰鎖黃之

浩漕緬槐關之雄壯詰榆
谷之沃饒為低徊者久之
及與按往志覽舊圖非記
載參差即指陳紕繆輒思
考訂而未遑也今年蘭州
陳烱介太守乃輯而新之

序

四

且丐余一言予觀其體製
簡嚴事詞賅括而於險阨
要害之區水利河防之際
尤三致意可謂勤勞之至
矣予故特嘉之用捐俸以
助亟命付諸剞劂俾留心

地方者稽關河而知防守
之道考濟河而思疏鑿之
方升民何曰富強習俗何
曰茂美皆於是編乎取則
焉豈曰小補之哉是為序
甘肅等處承宣布政使司

序

五

布政使司載豫撰並書



蘭州府志序

府志之作所以括州縣
志之要而待通志與
一統志之採擇者也

國家文教昌明方輿紀載
彬彬大備獨蘭州自建

序

一

郡以來尙無成書舊有
臨洮府志創自明代

國初雖嘗增輯大率尙仍
其舊歷年久遠更多殘
缺不惟

聖朝體國辨方之模未經闡

著卽百餘年來因革損益之詳聲明文物之被不免漸就湮沒官斯土者時有稽索恒以無所據依爲憾余於道光八年奉

序

二

命守郡卽欲蒐輯爲志以備一郡文獻顧嘗慨夫地志之書雖纂述舊聞者爲多然非明其體要而通於古今之故者要未易言之也使不求夫古

人紀載之本意惟務據
拾無益浮詞隨手編入
靡所辨核則蕪濫之弊
與舛鄙等且府志自有
體裁如徒取各州縣志
而鈔錄之不敢遺其片

序

三

語或分隸割裂不相貫
通則彼書已具又奚取
於複述贅叙而必勒爲
一郡之書乎十年冬公
務稍暇乃延涂琴舫同
年專司其事蒼萃史籍

旁及他書於舊志之遺
者補之譌者正之而新
增事實亦罔不致其慎
重余於政事之餘相與
往復商榷不憚再三務
期得體而辭之繁簡亦

序

四

惟其稱焉蓋博觀而約
取之卷帙無多而討論
之勤幾二載而始卒業
大約仿武功志之意而
不盡循其面目雖未能
媲於古之作者而蕪濫

之譏庶乎可免足以備
通志及

一統志之採擇矣是爲序
賜進士出身知蘭州府事通

州陳士楨撰



序

五